

Una poesia de Nicola Loi de Ortueri, amigu de su Sotziu

# Po sa limba 'e Mesania

Dd'at lègida in su cungressu de Samugheo de su 11.12.2004 cun grandu cuntentu de sos presentes.

## Po sa limba 'e mesania

At beniu sabios dae ognia logu,  
Po foedhae de sa limba 'e mesania.  
Bistu ca custa est sa zona mia,  
non nde podia propiu fae de mancu.

Ca tengio passione po esse francu  
a poesia cantigu e ballu.  
Bonos printzipios po custu traballu  
chi innoghe oe ais cominciau.

Dognia istrangiu siat bene arribbau  
cun sa bona idea e voluntade  
.Becios pipios de donni'edade  
A su sardu ponie contivigu.

Ca dh'aus connotu dae babbu in figiu  
Su connotu no siat disamparau  
chi siat curreggiu e istudiau,  
chi no si furriet a unu prochedhinu.

Est arribbau dae longu camminu  
e car'a innanti depet abbaidae  
totus in domo sighie a foedhae  
comente a sempere cun naturalesa.

Po figios e nebodes s'errichesa  
chi che jughent a tempus benidore  
po su populu sardu su valore  
e sa pandela de s'identidade.

E chena pagia, ma cun dignidade  
dogni unu de custu siat fieru  
dogni unu siat unu sardu veru  
ma citadinu de totu su mundu.

chi sa bon'arrejone andet a tundu.  
Tue cando podes custa 'oghe ispraghe  
giuntas chi andent amistade e paghe.  
Domando iscusa po sa rima lasca.

passae serenos una bona pasca,  
dogni male apicae a unu ciou,  
tengio s'ispera po cust'annu nou  
ch'istudet de sa gherra dogni fogu.

At beniu sabios dae ognia logu

Nadale 2004

Nicola Loi - Ortueri